

## Nvit ala prezentazion

**Gherdëina: N viac tres l tēmp – l Museum Gherdëina prejentea n liber nuef n sada, ai 26 de mei**

La culezion dl Museum Gherdëina ie la fundamēta per n viac tres l svilup geologich, culturel y soziel de Gherdëina.

*Milions d'ani de evoluzion dla Tiera y milesc ani de storia dla jënt ma nce la particulariteies dla valeda, de si ert y cultura: Cun l liber nuef dl Museum Gherdëina dal titul "Gröden: Eine Reise durch die Zeit" / "Val Gardena: Un viaggio nel tempo", dat ora dal editëur Raetia, à i letëures la ucajian de fé n viac tres la storia de Gherdëina. Da cumpas per chësta jita se pieta i ogeg dla culezion dl Museum. L liber vën prejentà n sada, ai 26 de mei.*

L liber nuef ie scialdi deplù che n manual che mëina tres l Museum Gherdëina, l ti va do al svilup de duta na valeda. L viac scumēncia dan milions d'ani y l nes dà la ucajian de scuvierjer l diventé dla Dolomites y la fusties che chësc svilup à lascià tla forma di fossii y curēc che ie metui ora tl museum. Scialdi plu tardif ie l nridlamēt dla val, ma nce de chësc trata la publicazion per cunté si svilup.

Pervia che la produzion artistica reprejentea per Gherdëina da cēnc d'ani na seva particulera ti vëniel dedicà tl liber na pert mpurtanta: dala tradizion longia dl ziplé ala scultura y ala pitura nchin ai films de Luis Trenker. Ma nce ala chiena, ai juesc de lēn, che à tl nuefcēnt fat cunēscer Gherdëina per l prim iede sëura l'Europa ora, ti vëniel dedicà n capitul.

Chi che ulëssa perchël mparé a cunēscer na valeda defin particulera, chi che ulëssa scuvierjer cosses nia cunesciudes y se fé na idea sun l svilup de Gherdëina y dla jënt de Gherdëina arà legrēza a liejer l liber "Gröden: Eine Reise durch die Zeit" cun tesć nteressanc di esperc dla culezions y de autores cunesciui y la njonta de na lingia de bela ilustrazions.

**Prejentà vën l liber n sada, ai 26 de mei, dala 17.00 tla Cësa de Cultura de Urtijëi** cun i ntervēnc de Paulina Moroder, la diretëura dl Museum Gherdëina, y dl Ntendēt dla scoles ladines Roland Verra te n dialogh cun i autores. Prejēnc sarà nce Marie Theres Thaler, la Presidēnta dl Museum Gherdëina, l Assessëur ladin Florian Mussner y l ambolt de Urtijëi Tobia Moroder.

N ucajian dla prezentazion dl liber tēn l Museum Gherdëina si portes daviertes n sada, ai 26 de mei, dala 14.00 ala 16.30, la ntereda ie debant.

**Deplù nformazions** giapëis da Paulina Moroder, diretëura dl Museum Gherdëina, tel. 0471 797554 o 338 6040477, e-mail: [p.moroder@museumgherdeina.it](mailto:p.moroder@museumgherdeina.it).